

# 懺悔文

弟子\_\_\_\_\_，現是生死凡夫，罪障深重。從於無始，乃至今生，由貪、瞋、癡、慢、疑、惡見，發身口意，有意無意，造眾惡業：毀壞三寶，訕謗正法，起諸邪見，盜僧伽物，五逆十惡，乃至起心動念，無不是業，無不是罪！所害眾生，無量無邊；所結惡緣，無數無盡。假使惡業，有體相者，盡虛空界，不能容受！

今由善根，得聞正法，明了因果，報應不爽，生大怖畏，起大慚愧！恭對三寶、法界眾生，至誠發露，求哀懺悔：

惟願三寶，慈悲攝受，放大光明，照觸我心。諸惡消滅，三障消除，復本心源，究竟清淨。

惟願一切，有緣眾生，發大慈悲，寬恕於我。解冤釋結，扭轉惡緣，復本一體，自他不二。

弟子\_\_\_\_\_，今發大願，斷惡修善，改邪歸正。從於今日，盡未來際，皈依三寶，依覺正淨。離貪、瞋、癡、慢、疑、惡見，修戒定慧，淨身口意，發菩提心，一心念佛，以此功德迴向，有緣眾生，同生極樂，共成佛道。迴入十方，五濁惡世，弘宣大教，廣度有情，滿菩提願。

罪從心起將心懺  
心若滅時罪亦亡  
心亡罪滅兩俱空  
是則名為真懺悔

淨空頂禮（本文是師父親撰，弟子各稱其名）